



REPUBLIKA E SHQIPËRISE

BASHKIA MALIQ
KËSHILLI I BASHKISË

Datë 30.06.2023

Prot.2 (dy)

Protokoll nr. 2

I mbajtur sot më datë 30.06.2023, në mbledhjen e radhës së Këshillit të Bashkisë Maliq, në sallën e mbledhjeve të këshillit të bashkisë, ora 10:00.

Rend Dite:

1. Hapja e mbledhjes (korumi, miratimi i rendit të ditës, vendimet e mbledhjes së kaluar);
2. Miratimin e raportit hartuar nga Komisioni i mandateve pranë Këshillit të bashkisë Maliq, për dhënien e mandatit të këshilltarit bashkiak z.Petrît Kupe dhe z.Ilia Xhuti, si dhe betimi i tyre;
3. P-V "Për miratimin e Ndhmës Ekonomike deri në masën 6% të fondit për muajin maj 2023";
4. P-V "Për miratimin e Ndhmës Ekonomike nga fondi i bashkisë Maliq për muajin maj 2023";
5. P-V "Për miratimin e marrëveshjes së bashkëfinancimit të projektit të përbashkët të Bashkisë Maliq dhe Këshillit të Qarkut Korçë, me qëllim "Mbrotjtjen dhe përfshirjen sociale për të moshuarit";
6. P-V "Për miratimin e programit buxhetor afat-mesëm për vitet 2024-2026";
7. P-V "Për mbështetjen financiare të aplikantëve, banorë të bashkisë Maliq në vijim të programit të Qeverisë Shqiptare "Programi i Kodimit";
8. Diskutime të tjera.

Këshilltarë të pranishëm në sallë:

Ornildi Demollari; Pranvera Begolli; Rudina Bregu; Floreta Zaçe; Ildir Limllari; Enida Avdolli; Gentiana Drabo; Ilia Xhuti; Marianthi Avrami; Petrît Kupe; Fevri Sherifi; Dritan Çami; Ronaldo Skënderi; Daniela Ibrahim; Klea Baçi; Rovena Terolli; Yllson Ibrahimllari; Nersida Shindo; Server Xhuti; Albina Xhejo; Faslli Zholi; Eglantina Balli; Andonaq Risto; Aleksandra Spaho; Lulëzim Hoxhaj; 25 (njëzetë e pesë) këshilltarë.

Të pranishëm nga Administrata: Kryetari i Bashkisë: z.Gëzim Topçiu; Drejtore e Financës dhe Buxhetit: znjAlmira Muka; Punojëse e Sektorit të Shërbimit Social:znj.Alda Lenja

Ornildi Demollari:Fillojmë mbledhjen e radhës të Këshillit, me rend dite me 8 pika, do kërkoja mirëkuptimin tuaj të bëjmë dhe një pikë shtesë, bëhet fjalë për një rast emergjent në fshatin Zvezdë.E kalojmë në votim rendin e ditës?





REPUBLIKA E SHQIPËRISË



Kush është dakord me rendin e ditës, bashkë me shtesën?

Kundra?

Abstenim?

Korumi realizohet, Miratohet me 25 vota pro. Faleminderit!

Ornildi Demollari:Po lexoj vendimet e mbledhjes së kaluar.

Vendim nr.63, datë 19.06.2023

“Për zgjedhjen e komisionit të verifikimit të mandateve”

Vendim nr.64, datë 19.06.2023

“Për miratimin e mandateve të antarëve të këshillit bashkiak Maliq”

Vendim nr.65, datë 19.06.2023

“Për zgjedhjen e komisionit të votimit”

Vendim nr.66, datë 19.06.2023

“Për zgjedhjen e kryetarit të këshillit bashkiak Maliq”

Vendim nr.67, datë 19.06.2023

“Për zgjedhjen e Zv/kryetarve të këshillit bashkiak Maliq”

Vendim nr.68, datë 19.06.2023

“Për zgjedhjen e përfaqësuesve të këshillit të bashkisë Maliq në këshillin e qarkut Korçë”;

Vendim nr.69, datë 19.06.2023

“Për deklarimin e vlefshmërisë së mandatit të Kryetarit të Bashkisë Maliq Z.Gëzim TOPÇIU”;

Këto ishin vendimet që kemi marrë në mbledhjen parë.Vazhdojmë me rendin e ditës, miratimin e raportit hartuar nga Komisioni i mandateve pranë Këshillit të bashkisë Maliq, për dhënien e mandatit të këshilltarit bashkiak z.Petrit Kupe dhe z.Ilia Xhuti, si dhe betimi i tyre;

Ornildi Demollari:Janë dy kolegët që nuk ishin prezent mbledhjen e kaluar, do bëjnë betimin sot, ftoj komisionin e mandateve dhe kryetaren e komisionit, ke fjalën.

Pranvera Begolli:Pershëndetje!Në mbledhjen e parë e konstituimit të këshillit bashkiak, nga 31 anëtarë sa ishte lista u betuan 29, 2 prej tyre do kalojnë sot.Komisioni i mandateve ka mbajtur raportin e vet që po ja u lexoj.

RAPORT (Dhënie mandati)

Drejtuar: Këshillit Bashkiak

Në zbatim ligjit nr.139/2015, datë 17.12.2015“Për vetëqeverisjen vendore”, i ndryshuar, neni 49 “Mandati i këshilltarit” pika 1 dhe 2, neni 50 “Betimi” pika 2, neni 54“Detyrat dhe kompetencat e këshillit bashkiak”, gërma “j” dhe në zbatim të Rregullores së Këshillit Bashkiak Maliq miratuar me vendim këshilli nr.24, datë 12.03.2020, “Për miratimin e Rregullores së Këshillit të Bashkisë Maliq”, neni “Betimi i këshilltarit”, vendimit nr.604 i KQZ Tiranë, datë 25.05.2023 “Për shpërndarjen e mandateve për Këshillin e Bashkisë Maliq” dalë nga zgjedhjet për qeverisjen Vendore të datës 14 Maj 2023, i cili përcakton mandatet të subjekteve politike sipas listës bashkangjitur si dhe vendimin e KZA-së nr.70



REPUBLIKA E SHQIPËRISË

me nr.323 datë 16.05.2023 "Për miratimin e tabelës përmbledhëse të rezultateve për zgjedhjet e Këshillit të Bashkisë Maliq"

Nga verifikimet e dokumentacionit, komisioni vërtetoi se mandatet janë fituar konform kërkesave të Kodit Zgjedhor dhe ligjit 139/2015 "Për Vetëqeverisjen Vendore" i ndryshaur. Ndaj i propozojmë këshillit bashkiak ,

Miratimin e raportit për dhënien e mandatit të këshilltarit z.Petrît Zylyf Kupe, z.Ilia Bashkim Xhuti kandidatë në listen shumë-mërore të Partisë Socialiste të Shqipërisë, përgatitur nga Komisioni i Mandateve.

Sekretari i Këshillit të ndjekë procedurat e nevojshme ligjore.

Pranvera Begolli:Të dy anëtarët e këshillit duhet të bëjnë betimin, Peterit Kupe:

Betohem në nderin tim se do të kryej me ndërgjegje detyrën e anëtarit të këshillit bashkiak dhe do t'i bindem Kushtetutës dhe ligjeve. Betohem se në të gjithë veprimtarinë time do të udhëhiqem nga interesat e shtetasve të bashkisë (*Maliq*) dhe do të punoj me ndershmëri e përkushtim për zhvillimin dhe rritjen e mirëqenies së tyre".

Peterit Kupe:Betohem!

Pranvera Begolli:Ilia Xhuti:

Betohem në nderin tim se do të kryej me ndërgjegje detyrën e anëtarit të këshillit bashkiak dhe do t'i bindem Kushtetutës dhe ligjeve. Betohem se në të gjithë veprimtarinë time do të udhëhiqem nga interesat e shtetasve të bashkisë (*Maliq*) dhe do të punoj me ndershmëri e përkushtim për zhvillimin dhe rritjen e mirëqenies së tyre".

Ilia Xhuti:Betohem!

Ornildi Demollari:Faleminderit! Faleminderit dhe kryetaren e komisionit të mandateve, ftoj kolegët të miratojmë, mandatin e kolegve tanë.

Kush është dakord me mandatin e kolegve tanë,

Kundra? Nuk ka.

Abstenim? Nuk ka.

Miratohet me 25 vota pro. Faleminderit!

Ornildi Demollari:Të dy kolegve z.Petrît dhe z.Ilia punë të mbarë dhe suksese në misionin tuaj të këshilltarit.Kalojmë te pika tjetër e rendit të ditës, P-V "Për miratimin e Ndhmës Ekonomike deri në masën 6% të fondit për muajin maj 2023"; Ka ndonjë pyetje për pikën 3 të rendit të ditës?

Aleksandra Spaho:Përshëndetje! Në lidhje me me ndihmën e ekonomike, para disa ditësh kemi bërë një betim që do jemi në shërbim të komunitetit dhe kemi hasur një problem, ka të bëjë listën e ndihmës ekonomike nga sistemi, deklarimi që bëhet njëherë në 3-muaj.Ka shumë banorë që shkojnë për punë sezonale 1-2 muaj, nga momenti që ata largohen ndihma ekonomike ju hiqet për një periudhë 6-mujore.Duhet të bëjmë diçka ne se i bashki dhe sot kisha një rast si ky, ku një familjar ishte larguar për 3 javë, ai duhet të parqitet brenda datës 10 për deklarim, kështu ai humbet të drejtën të trajtohet me ndihmë.Duhet të bëjmë diçka. ti drejtohem me shpresë



REPUBLIKA E SHQIPËRISË

Ministrisë, Parlamentit. Kam dhe diçka tjetër lidhur me deklarinimin, ka raste kur dikush nuk shkon për deklarim për arsye kujtese, punonjësit dy ditë ditë e fundit ti kujtojnë me telefon, Të hartojmë një shkresë me jursitë në bashki, një zgjidhje duhet ti japim. Kur dikush largohet një muaj të penalizohet vetëm për atë muaj jo për 6 muaj.

Ornildi Demollari: E nderuar kolege, ndihma ekonomike është një ndihmë e përkohshme, nuk është se e ke gjithmonë, e ke të përcaktuar në ligj, ja jap fjalën Kryetarit të bashkisë për dy shqetësimet.

Kryetari i Bashkisë: z. Gëzim Topçiu: Përshëndetje të gjithëve! Në fakt është një shqetësim dhe për ne, dua të qartësoj tre momente dhe për Këshillin por veçanërisht për qytetarët dhe patjetër për ata që duan të jenë përfitues të ndihmës ekonomike. Ndihma ekonomike është për familjet që kanë nevojë për atë ndihmë, nuk realizohen të gjitha nevojat me të, por ligji është ligj. Nëse këshilli kërkon ti drejtohet Ministrisë të linjës, patjetër ka të drejtën, nuk e dimë sa do merret në konsideratë, por duhet të jemi të kujdesshëm dhe në kërkesat tona. Momenti i dytë që përmendi Aleksandara ishte që duhet tju çohet një mesazh, nuk është diçka e keqe, por nuk i dilet në këtë mënyrë. Qytetari që ka nevojë duhet të jetë vetë i interesuar për deklarinimin në fillim të muajit. Por kur ata punojnë në të zezë dhe largohen në Greqi, ju duket sikur është një detyrim ndaj tyre për ti kujtuar. Kush është forcë aktive duhet të shohë dhe mundësi të tjera, ne kemi filluar tani për një ndërgjegjësim të forcës aktive për punë, veçanërisht të grave, kemi punësuar 100 gra te Kompania Rozafa në Maliq, duhen dhe 300 gra të tjera, ku është i përfshirë dhe transporti falas. Por kjo nuk mund të ndodhë që ti refuzon sepse punon në të zezë, ligji këtë ka parashikuar të minimizohet skema. Ne jemi ndoshta nga bashkitë me numrin më madh në skemë. Sistemi i aprovuar nga B.B, kur aplikon ose të përjashton ose të shpall fitues. Ne jemi të priruar ti ndihmojmë qytetarët ta marrin atë kompesim se ka familje që kanë realisht nevojë. Ne kemi bërë dhe një propozim që të kthehet puna në komunitet, nëse një familje do të punojë me 4 orë ti japim një pagë 40.000 lekë duke punuar në pastrim etj dhe atje do vijë realisht ata që kanë nevojë, nuk do vijë ata që fshehin të ardhurat e tyre pasi nuk mund të kapet çdo element. Problematikat janë shumë të mëdha dhe unë mendos se duhet të jenë disa propozime, ku bashkërisht ne, drejtorja përkatës e shërbimit social, këshilli dhe komisionet që do ngrihen shumë shpjet, të bëjmë disa propozime konkrete për të mirën e përgjithëshme. Kjo është një problematikë që e hasim çdo ditë, kemi probleme nga më të ndryshmet dhe ne jemi të hapur ti zgjidhim, nuk i kemi parë politikisht asnjëherë. Faleminderit!

Ornildi Demollari: Faleminderit z. Kryetar! Po.

Andonag Risto: Duke folur çdo ditë me qytetarët që përfitojnë ndihmë ekonomike, kemi hasur me një problem, kur një person kërkon ndihmë ekonomike dhe ka në pronësi një automjet nuk e përfiton. Dua të më thotë dikush që ka 4 fëmijë dhe i çon në shkollë dhe kurse, si mund ti çojë kur nuk ka një mjet? Ka dhe raste të tjera. Makina nuk është më mjet luksi.



REPUBLIKA E SHQIPËRISË

Kryetari i Bashkisë: z.Gëzim Topçiu:Ndihma ekonomike duhet të fillojë të minimizohet, ta marrë ai që vëretet i takon, ai që ka problem shëndësore duhet të përfitojë PAK, këshilli nuk ka më kompetencë, e ka sistemiëshilli ndan vetëm fondin 6%, kur dikush ble një makinë 6-8 milion, ke të ardhura dhe nuk ke nevojë për ato lekë.Ligji e thotë që kur shkon në punë për 3 muaj nuk të hiqet ndihma, sa ta kuptosh a je në gjendje për atë punë, por duhet ta deklarosh.Shumicës të familjeve nuk ju takon të përfitojnë ndihmë ekonomike.

Andonag Risto:Është e vërtetë që shumë familje i fshehin të ardhurat dhe përfitojnë ndihmë ekonomike, por unë them për atë pakicë që vërtet ka nevojë.

Kryetari i Bashkisë: z.Gëzim Topçiu:Jam i mendimit që çdo këshilltar të bëjë një propozim konkret me shkrim, që na ta përfshijmë në një dokumnet dhe ne tja përcjellim Ministrisë.

Ornildi Demollari:Dua të ve theksin dhe te diçka, ai qështë një sistem i ndërtuar elektronikisht bazuar mbi ligjin 57/2019, është ndërtuar mbi një sistem pikëzimi onilne dhe nuk shumë hapësira për ndërhyrje, nëse kemi propozime ti bëjmë dhe tja dërgojmë Ministrisë përkatëse.

Aleksandra Spaho:Nëse i doni me raste dhe emra konkretë jam e gatshme ti sjell, jam shumë jam dakord që personit që i ofrohet punë dhe refuzon të largohet nga ndihma ekonomike.

Ornildi Demollari: Faleminderit!

Faslli Zholi:I nderuar Kryetar i Këshillit, të nderuar Këshilltarë të dalë nga vota e qytetarve të bashkisë Maliq, i ndruar Kryetar i bashkisë, dua të falenderoj qytetarët që na kanë sjellë këtu në këtë sallë, në duhet të jemi të ndërgjegjshëm dhe të gjithë që jemi këtu pa dallime partiake duhet të bëjmë një transparencë.Problemi që ne po diskutojmë dhe dy këshilltrave që u betuan sot i uroj suksese dhe punë të mbarë këshillit.Por problemi që po diskutojmë sot për problemet ekonomike, ne i dimë, me ndihmën ekonomike deri tani jemi të paqartë deri tani, nuk është zotësi e këshillit apo bashkisë të japi sa më shumë ndihma ekonomike.Detyra jonë është të bëjmë transparencë, të shohim sa lekë kemi.Jam dakord që bëhet në sistem, po sistemin e bëjnë njerzit, ne duhet të jemi të ndërgjegjshëm të kemi njohuri kujt i takon ndihma ekonomike, të mos e përdorim politikusht , mendoj të japim propozime konkrete, ka familje që janë të punësuar dhe përfitojnë ndihma ekonomike, kjo është përgjegjësi e drejtuesve të njësive vendore dhe ata që meren me këtë punë dhe zyrat ne të na japin një informacion për herën tjetër dhe të bëjmë transparencë me qytetarët se çfarë vendoset, ju faleminderit!

Ornildi Demollari: Faleminderit!

Pranvera Begolli:Kam kohë në Këshillin e bashkisë dhe ndihma ekonomike ka qenë problem gjithmonë, në momentin që këshilli nuk e ka kompetencë ka vetëm fondin 6%, këshilltarët të informohen, jam me atë që tha kryetari i bashkisë, ju ofrohet punë dhe të gjithë mendojnë të amrrin pagesën e ndihmës.Nuk mund të jetë i paafte për punë dhe të shkojë të punojë në Greqi dhe të vijë të kërkojë ndihmë ekonomike këtu!Duan të qëndrojnë në skemë për lehtësirat që ka, për librat falas, bursat etj, nuk mendojnë për sigurimet e tyre.Bashkitë e tjera kanë shume herë më pak qytarë në ndihmë ekonomike, duhet pastruar lsisita.



REPUBLIKA E SHQIPËRISË

Yllson Ibrahimllari: Nisur nga problematika e diskutuar, herën e kaluar kemi diskutuar për përfaqësim në nivel grupesh, të kemi dhe një radhë mbarvajtje pune. Në mbështetje të fjalës të Kryetarit të bashkisë i cili thotë që varfëria nuk ka ngjyrë. Ne kemi disa mundësira të vogla, duke marrë në konsideratë dhe limitet që ne kemi këtu, ne nuk mund të marrim iniciativa ligjore, ne kemi një rregullore këtu që flet qartë. Duke shfletuar për mbledhjen e sotme, gjej në faqen e këshillit bashkiak, komisionine ndihmës ekonomike dhe stehimit me 7 anëtarë. Për qenë konçiz ky komision në mbledhje të vijë të na raportojë që kjo varfëri, në zonën tonë është thelluar dhe çfarë programesh mund të marrim, të bashkërendojmë grupet, askujt nuk i rëndon thjesht për të ngritur kartonin dhe nëse vijmë për tema kaq të ndjeshme vetëm me forcën e kartonit, unë e di që këtë që po diskutoj e kam të humbur. E para propozoj që gjitha listat e 6% të afishohen në çfo Nj.A. komisioni të raportojë, një grup këshilltarësh tëshkojë në Nj.A dhe të themi nuk ta ka hequr kryetari ndihmën, se nuk ka asgjë në dorë as këshilli nuk ta ka qehur, janë kriteret. Ndihma ekonomike ka filluar të aplikohet kur isha unë student dhe thuhej, kush ka disa pajisje eletroke shtëpiake nuk përfiton, ky është kriteri, tani është kriteri i makinës, pak më vonë pak më vonë do diskutojmë dhe PAK e cila ka një ligj që është i viti 82, ku ka disa mangësi në përfitim. Varfëria është prezente në këtë zonë, them se ka vend për transparencë për vendimet që merren dhe kriteret, për të diskutuar ku ndryshon lista, pse ka ndryshuar? Cila ishte arsyea? Mendoj se ka nevojë për tu përmirësuar kjo pjesë. Ju faleminderit!

Ornildi Demollari: I nderuar koleg faleminderit!

Kryetari i Bashkisë: z.Gëzim Topçiu: Listat ne ndihmës ekonomike dhe ndërrjet e këshilltarve kanë qenë dhe politike ndonjëherë, ndaj dhe ligjëvënsi ja hoqi këtë kompetencë me një projekt të Bankës Botrore dhe atje e kërkon kush mendon se përfiton, në bazë të disa kriterëve ligjore. Këshilli i ka dhënë të drejtën të trajtojë disa familje nga fondi 6%. Po të shikoni vlerën është minimale nga 2000 lekë deri në 3000 lekë, familjet janë me një anëtar ose disa anëtarë, që e ulin %, ndaj dhe i ka dhënë kaq rëndësi ne kemi shtuar dhe një fond nga bashkia që e përdorim për raste të veçanta që nuk i plotësojnë kriteret. Mund të jetë një plakë e vetmuar, dy invalidë me probleme shëndetësore etj etj. Këshilli mund të hedhë ide, ajo çka unë zygjeroj se duhet të jemi shumë konçizë ta ajo që kërkojmë, se nuk bëhet fjalë vetëm për ne, po për gjithë Shqipërinë është ligj që nuk funksionon më vete dhe Këshilli nuk ka kompetencë që mund ta ndryshojë atë të drejtë e ka vetëm ligjëvënsi. Ndaj dhe ne le të mendojmë për propozime konkrete. Ajo çka nde duhet të jemi në një linjë është, ata që janë të aftë për punë duhet të punojnë. Sot kemi një mundësi ku ti çojmë për punë.

Ornildi Demollari: Faleminderit z.Kryetar! Ka ndonjë koment tjetër? E kalojmë në votim?

Kush është dakord?


Kundra? Nuk ka.

Abstenim? Nuk ka.

Miratohet me 25 vota pro. Faleminderit! Pika 4 e rendit të ditës, P-V "Për miratimin e Ndihmës Ekonomike nga fondi i bashkisë Maliq për muajin maj 2023"; Ka ndonjë pyetje?



REPUBLIKA E SHQIPËRISË



Faslli Zholi: Sa është fondi?

Kryetari i Bashkisë: z.Gëzim Topçiu: Kjo është një praktikë e re që ne po zbatojmë për herë të parë këtë vit, me një fond prej 1 milion lekësh, që ne ja kemi dhënë të drejtën Këshillit me vendimarrje sipas propozimeve që vijnë nga zyrat e ndihmës ekonomike, mund të ketë dhe propozime nga këshilltarët duke ja çuar zyrës për ta parë, ka raste që familja nuk e përfton ndihmën ekonomike për një arsye ose tjetër, nuk është në skemë për mungesë pikësh, por në fund familja trajtohet, relacioni mendoj duhet të jetë më i plotë për familjet, pse trajtohet ky familje, që ata ta kuptojnë arsyen. Vitin e kaluar dhe më parë trajtonim familje në nevojë në forma të ndryshme me vendimarrje. Këtë e kemi futur në një fond të veçantë të detikuar për këtë qëllim.

Petrit Kupe: Te cilat kritere bazohet masa e ndihmës për këto 9 familje?, numri i familjarve apo kriteri ekonomik? Se shoh se ka shifra të ndryshme për çdo familje.

Punojëse e Sektorit të Shërbimit Social znj. Alda Lenja: Masa e përitimit të ndihmës ekonomike është e përcaktuar në ligjin 57/2019 dhe vkm-së 597 ku është e përcaktuar masa e përitimit për familjet duke qenë nga kryefamiljare dhe pjestarët e tjerë, është e bazuar ligj dhe udhëzimin nr. 2017 dhe masa është njëlloj si për skemë, fondin 6% dhe fondi i bashkisë. Në bazë të anëtarve, 1800 lekë kryefamiljari, 1260 lekë bashkëshortja, 900 lekë anëtarët -18 vjet dhe 1260 lekë anëtarët 18. Në bazë të udhëzimit që ka nxjerë Minsitria është rritur me 20% vlera e ndihmës ekonomike. Të gjitha NJ.A kanë për çdo familje një dosje dhe relacion shpjegues pse kjo familje trajtohet.

Ornildi Demollari: Faleminderit!


Aleksandra Spaho: Kemi një rast në fshatin Sovjan, që nuk i ka të dy prindrit dhe gjyshrit nuk përfitojnë ndihmë ekonomike, fëmija është 8 vjeç.

Kryetari i Bashkisë: z.Gëzim Topçiu: Në këtë formë nuk dalim dot, këshilltarët çdo shqetësim që kanë, problematikë pranë zonave të tyre e adresojnë pranë sektorit të shërbimit social dhe bëhet verifikimi sipas rastit.

Faslli Zholi: Jam dakord me atë që tha doktori, që nuk duhet të flasim të gjithë, por duhet të organizohemi me grupe dhe me komisione.

Albina Xhejo: Jam dakord me atë që tha Këshilltari më parë Andonaq Rsito i hiqet ndihma, sepse ka një automjet në pronësi, ka edhe raste që e përfitojnë pa të drejtë kur gëzojnë shëndet të plotë kryefamiljarët.

Ornildi Demollari: Kualifikimin ose skualifikimin e bën sistemi, të përgatitim disa propozime konkrete, tja dërgojmë Ministrisë përkatëse.



REPUBLIKA E SHQIPËRISË

Kryetari i Bashkisë: z.Gëzim Topçiu: Shqetësimi është me vend, ndaj ka dhe dy struktura, zyra e punës ku merr deklarim që nuk je në punë, zyra e punës të ofron vend pune, kur e refuzon duhet të largohesh nga skema, ndaj dhe ne duhet të ngulim këmbë në këtë punë, ndaj dhe ligjëvënsi ka vendosur disa kritere si rasti i makinës për të pastruar listën. Përgjegjësi mbajnë punonjësit e ndihmës ekonomike që kanë dosje për çdo familje që është në skemë dhe është pjesë e kontrolleve. Ju keni të drejtë të vendosni kritere kush do përftojë nga fondit 6%. kush nga fondet bashkisë. Të ngrihen Komisionet dhe të flitet në emër të grupeve dhe sipas fushave, strehimi, ndihma ekonomike, mjekësia, financa etj. Të jepet mendimi i grupeve ku do jenë të përfshirë në kë komision.

Lulëzim Hoxhaj: Jam plotësisht dakord me mendimin e kryetarit dhe të disa parafolësve që këtë problem që është shumë sensitiv nuk zgjidhet duke ngritur probleme, sistemi është ai që i zgjidh, ne mund të bëjmë propozime për të forcuar sistemin jo për tu futur në sistem dhe për mendimin tim sa më pak kompetenca të kemi ne si këshill lidhur me këtë situatë aq më mirë është. E dyta lidhur me 3%, këtë herë jam dakord me propozimin ta miratojmë, por ky 3% nuk është fond për ndihmat ekonomike, kam frikë se ky fond është për emergjencat i përcaktuar me ligj për emergjencat, janë gjëra të ndryshme.

Kryetari i Bashkisë: z.Gëzim Topçiu: Fondi i emergjencave është tjetër, por ligjëvënsi kur ka miratuar ligjet dhe udhëzimet përkatëse për ndihmat ekonomike ka vendosur dhe një pikë pushteti lokal mund nuk e ka detyrim, mund të caktojë një fond nga fondet e veta që për një kontigjencë të caktuar ti ndihmojë, do ketë raste që mund të mos ketë familje, ndaj dhe duhet të ketë kritere kush e përfiton, familje të cilës i ka ndodhur një fatkeqësi dhe nuk kishte mundësi të trajtoheshe në skemë dhe nga fond 6%. Ky fond quhet fond social.

Lulëzim Hoxhaj: Fondi 3% të bashkohet me atë 6%, ne si këshill duhet të qëndrojmë sa më larg këtyre problemeve. Faleminderit!

Ornildi Demollari: Faleminderit ! Ka ndonjë koment tjetër? E kalojmë në votim?

Kush është dakord?

Kundra? Nuk ka.


Abstenim? Nuk ka.

Miratohet me 25 vota pro. Faleminderit! Kalojmë te pika 5 e rendit të ditës, P-V "Për miratimin e marrëveshjes së bashkëfinancimit të projektit të përbashkët të Bashkisë Maliq dhe Këshillit të Qarkut Korçë, me qëllim "Mbrotjen dhe përfshirjen sociale për të moshuarit": Kryetari i Bashkisë ke ljalën.

Kryetari i Bashkisë: z.Gëzim Topçiu: Është një fond me një bashkëpunim që ne kemi me Këshillin e Qarkut Korçë, ata na aknë aprovuar fondin për të hapur një qendër ditore për të moshuarit kemi hapur një të tillë në qytetin e Maliqit, jemi duke menduar të hapim dhe një në Drithas dhe shpresojmë që këto qendra ti hapim në qendrat më të mëdha administrative posynojme Pojan, Vreshtas, Pirg dhe problematika e momentit është mungesa e ambjeteve, të kemi mundësi tju shërbejmë me një kafë me një çaj të moshuarit, veçanërisht në sitnën e dimrit. E



REPUBLIKA E SHQIPËRISË



kemi zbatuar vitin e kaluar. atje ka një punonjse që shërben për të moshuarit. shtë një praktikë e zbatuar dhe në bashki të tjera dhe OJF të ndryshme si Dorkas na vjen në ndihmë. pse mos kemi në çdo fshat edhe pse ka kosto të madhe. Kërkohe vetëm një miratim nuk janë fondet tona, janë fonde të Këshillit të Qarkut Korçë. të cilin e falenderojmë. që është bërë pjesë e një suporti të tillë për tju shërbyer të moshuarve.

Ornildi Demollari: Faleminderit z.Kryetar! Ka ndonjë koment tjetër? E kalojmë në votim?

Kush është dakord?

Kundra? Nuk ka.

Abstenim? Nuk ka.

Miratohet me 25 vota pro. Faleminderit! Kalojmë te pika 6 e rendit të ditës, P-V "Për miratimin e programit buxhetor afat-mesëm për vitet 2024-2026": Kryetar do shpjegosh diçka, apo do shpjegojë drejtoresha?

Kryetari i Bashkisë: z.Gëzim Topçiu:Në parim do them diçka, pastaj nëse ka pyetje, është një detyrim ligjor për ta kaluar miratimin e programit buxhetor afat-mesëm për vitet 2024-2026, nuk marrim një vendimarrje sot për ndarje fondesh sipas programve dhe strukturave, por qeveria vendos tavane buxhetore nga njëri vit te tjetri dhe ne bëjmë rishpërndarje sipa programve buxhetore, ashtu si i shikoni në informacion të shkurtër që ne ju kemi prezantuar. transferta e bashkisë Maliq në vitin 2024 do jetë 853.985 mijë lekë, vitin 2025 879.101, viti 2026 908.697 dhe kjo transfertë që pëson rritje nga viti në vit është si efekt i tavaneve apo rritjeve që qeveria parashikon tek transferta pakushtëzuar që ne na jep nga një vit në tjetrin. Pjesa e të ardhurave ne e mbajmë të njëjtë nga një vit në tjetrin dhe pastaj kur vjen miratimi i buxhetit, në parshikojmë në varësi dhe takasve dhe tarifave që atje miratojmë, shtesa apo pakësime të duhura. Nëse doni një informacion sa është transferta e pakushtëzuar sa është buxheti, apo transferta e specifikë, sektoriale. Ju kemi dhënë një shpenzim buxhetor të vitit 2024, për paga shpenzime operative dhe investime, ashtu dhe për vitin 2025 dhe 2026. Kjo është miratuar nga këshilli i mëparshëm, pasi miratohen disa afate, i është çuar Minsitrisë për miratim dhe Ministria Financave pas miratimit nga këshilli bashkiak, çon dhe propozime dhe mendime dhe mendimet që ne na kanë ardhur jemi Brenda kuadrit ligjor të miratuar nga qeveria për tavanet buxhetore. Sygjerohet që duhet të jemi më të kujdesshëm në rritjen financimit për investime në territorin e bashkisë, sygjeohet që të ardhurat të vilen më mire taksat dhe tarifatat ato që mbulon bashkia, pasi kjo ta bëjë me investime dhe shërbime të tjera ndaj komunitetit. Jemi nga bashkitë që marrim një dakordësi nga Ministria Financave për efekt të raportimeve buxhetore dhe për efekt të gjithë tabelave që ju keni të parshtruara nga drejtorja e financave dhe besoj që dhe rekomandimet që na kanë ardhur nga Ministria Financave për efekt të buxhetit që miratohet në fund vit do shihet nga ana jonë për tu patur në considerate, vendimarrja është e detyrueshme, pasi dhe nga ana ligjore për tja dërguar Ministrisë së Financave pas këtij moment si detyrim ligjor, që parashion dhe ligji i buxhetit dhe ligji për financat vendore. Shumë faleminderit!

Ornildi Demollari: Faleminderit z.Kryetar! Drejtoreshë ke diçka? Ka ndonjë pyetje tjetër?



REPUBLIKA E SHQIPËRISË

Yllson Ibrahimllari: Kjo është diçka e miratur dhe nga Këshilli i kalaur, por besoj se do ketë dhe dakortësinë tonë për të vazhduar, por themelore në vazhden e komisioneve që do ngremë dhe punve që na presin. Do krijohet komisioni i Ekonomisë ose raportimit në nivel drejtorish, do doja të kishim një inventarizim të të gjithë aseteve të bashkisë, në total është një punë goxha voluminoze, është gati e vështirë, mbase mund të dalim me një propozim për një kompani që mund ta menaxhojë, sepse nuk dimë të ardhurat, sa lekë nxjerrim. Në janar mos miratojmë Projekt-Buxhet të paditur se kush janë, inventarizimet, asetet themelore të bashkisë nga Dushari në Podgorie, Zëmlak dhe Velçan të Gorës. Duke ditur astetet, duke ditur cilat janë ardhurat reale të që hyjnë nga bizneset, na duhet një informacion për bashkinë dhe pastaj dhe në kuadër të decentralizimit mund të kemi më shumë inciativa për limitime të fondit buxhetor. Faleminderit!

Ornildi Demollari: I nderuar Këshilltar të gjitha të ardhurat dhe të gjitha operacionet ekonomike të bashkisë janë të publikuara në faqen e bashkisë.

Yllson Ibrahimllari: I nderuar kryetar po ju them sa është vlera e rezervuarit të Këmbëthekrit? Është aset sot i painventarizuar nga Drejtoira e Ujitje Kullimit tuaj.

Kryetari i Bashkisë: z.Gëzim Topçiu: Është problematika më emadhe që ka çdo bashki, nuk është se nuk kemi një listë të pronave që ka bashkia, kemi një inventarizim të të gjithë pronave, ka edhe probleme se inventarizimi të çdo prone të NJ.A e kanë bërë ish Komunat. ne kemi një vendim qeverie për çdo NJ.A me të gjithë listën e inventareve të pronave, prona të cilat kanë hyrë në rregjistrin publik tonin dhe tani ne duhet ti rregjistrojmë këto prona, por që ti rregjistrosh pronat është një vlerë shumë e madhe financiare, për rregjistruar proant ndiqet e njëjta procedurë ashtu si e bën privati me pagesë pranë kadastrës, vetëm ashtu quhet pronë e jotja për ta dhënë me qira ose ekzekutuar. Dhe ne kemi filluar të bëjmë rregjistrim të pronave sipas kërkesave që kanë qytetarët apo bizneset, problematika janë nga më ndryshmet, ne kemi një zyrë në bashki të rregjistrimit të pronave. Unë jam shumë dakord që ne na duhet dhe një kompani e cila kërkon vlera financiare për ta realizuar. Duam të bëjmë një plan rievimi të të gjithë tokave bujqësore edhe pse janë private, gjithë fusha e Maliqit që është aseti më i madh i pronave tona me kanale me rrugë, toka bujqësore, kjo eliminon dhe konfliktet që kanë fermerë. Nuk e kemi detyrim, por ne duhet të zgjidhim problematikën që ata kanë me njëri-tjetrin. Me planin e rievimit të të gjithë pronave të tokës bujqësore të fushës ne zgjidhim shumë probleme nga taksat, pstrimi i kanaleve dhe në prona të tjera ka probleme, ka NJ.A që kanë inventarizuar prona që nuk bëjnë punë dhe kanë lënë ato që hynë në punë. Ne jemi duke përgatitur dhe një informacion që mund të bëjmë një shtesë të pronave në të gjithë NJ.A atje ku ka patur problematika. Jemi duke menduar dhe kjo është lënë dhe detyrë nga KLSH që meaxhimi i pronave, zhvillimi i kësaj zyre apo drejtorie në të ardhmen është shumë e rëndësishme, e para për ti rregjistruar dhe për sjellë ardhura për ne dhe komunitetin, është problematikë që kërkon aktivizmin e të gjithëve dhe të këshillit në vendimarrje e tij, jam shumë dakord.

Ornildi Demollari: Faleminderit z.Kryetar!



REPUBLIKA E SHQIPËRISË

Yllson Ibrahimllari:Nuk e kisha fjalën për godinën e bashkisë Maliq për hipotekë, por për pronat e tjera se kur dimë vlerën e pronës, dimë dhe vlerën e qirasë ose tjetërsimin e saj në një moment të dytë.

Petrit Kupe:Ne si këshilltarë dhe veçanërisht ne si të rinj kemi nevojë për informacion shtesë , por që mos dalë nga tema të miratojmë buxhetin për vitet në vijim dhe në një pikë tjetër të fundit bëjmë një debat të lirë për rregjistrimin e pronave dhe probleme të tjera që duam ti njohim.

Ornildi Demollari:Dakord shumë e drejtë. Ka ndonjë koment tjetër, për projektet buxhetin afat-mesëm? E kalojmë në votim?

Kush është dakord?

Kundra? Nuk ka.

Abstenim? Nuk ka.

Miratohet me 25 vota pro. Faleminderit! Kalojmë te pika 7 e rendit të ditës, P-V "Për mbështetjen financiare të aplikantëve, banorë të bashkisë Maliq në vijim të programit të Qeverisë Shqiptare "Programi i Kodimit"; Janë disa studentë që janë rregjistruar te ky kur që quhet Program Kodimi dhe bazuar mbi ligjin kërkojnë mbështetje financiare nga bashkia.

Gentiana Drabo:Mund të ndaj diçka në lidhje me këtë? Faleminderit!Ashtu si e thatë dhe ju janë disa nxënës që kanë aplikuar personalisht për të fituar disa bursa trajnimi, të cilat i kanë fituar edhe duhet të them që jemi me fat që kemi nxënës të tillë kaq të aftë, mbështetja duhet të jetë patjetër dhe për më tepër nga sa pashë unë nga tabelat financimi për trajnimin e nxënësve do bëhet duke hequr nga shpenzimet e pritjeve dhe aktiviteteve, jo nga shpenzime që lidhen me çështje ekonomike, mendoj që ja vlen ta miratojmë.

Ornildi Demollari:Faleminderit Genta! Po kryetar!


Kryetari i Bashkisë: z.Gëzim Topçiu:Dua ta vlersoj dhe tju jap pëshë të rinjve që janë pjesë e kësaj fushe, ne para pak kohësh kemi mbështetur të rinj të ndjekin kurse trajnimi, programimit.Më vjen shumë mirë që ka nga të gjitha NJA, këta tre kanë dalë fitues në Qarkun e Korçës, 50% e mbulon qeveria shqipëtare dhe 50% ne ishim shumë gatshëm për ta mbuluar dhe shpresojmë të kemi të rinj të talentuar dhe të jenë pjesë të administratave tona, pasi kemi shumë nevojë.

Petrit Kupe:Vlersoj iniciativat për mbështetjen e të rinjve dhe në kuadër të masave që morri qeveria duke stimuluar studentët ekselentë dhe studentët e tjerë me një pagë minimale 40.000 lekë, por nuk jam i qartë se çfarë përtojnë nxënësit te ky trajnim? Pse trajnohen?

Kryetari i Bashkisë: z.Gëzim Topçiu:Teknologjia ka avancuar për ne të gjithë, ajo që unë mendoj kjo është një nisëm e qeverisë qendrore për zgjedhur elementët më të ditur nga çdo bashki dhe tre janë nga bashkia Maliq.Kur më ka ardhur propozimi nga zyra Rajonale e Punës të kaq qenë dakord, në bazë të performancës ata ishin tre nga më mirët e zonës dhe unë në këto kushte rrashë dakord.Propozimin e kishim para zgjedhjeve, por e lamë ta propozonim në këshill pas zgjedhjeve .



REPUBLIKA E SHQIPËRISË



Ornildi Demollari:Kualifikohen në elektronikë, IT, programim dhe kodim programesh.

Gentiana Drabo:Bëhet fjalë për aftësim në kodim dhe programim, këto asete në një kohë tjetër ne na kthehen përsëri, kjo është e veçanta e ekselentit.

Ornildi Demollari:Faleminderit! Ka ndonjë pyetje tjetër?

Server Xhuti:Ta mbështetim këtë kategori dhe urojmë të kemi sa më shumë.

Ornildi Demollari:Dakord shumë e drejtë. E kalojmë në votim?

Kush është dakord?

Kundra? Nuk ka.

Abstenim? Nuk ka.

Miratohet me 25 vota pro. Faleminderit! Tani jemi te pika që ju fola në fillim të mbledhjes, është një rast për një familje në fshatin Zvezdë.

Server Xhuti:E njoh rastin se e kam banor të fshatit dhe jam dakord që ai ta marri ndihmën, jemi pro.

Ornildi Demollari:Jemi duke e mbështetur ne me fuqi dhe bazë materiale për ndërimin e shtëpisë, me programin e strehimit, z.quhet Nazmi Gjata banor i fshatit Zvezdë.Ju ftoj ta kalojmë në votim?

Kush është dakord?

Kundra? Nuk ka.


Abstenim? Nuk ka.

Miratohet me 25 vota pro. Faleminderit!Tani para se të shkojmë te diskutime të tjera, duhet të fillojmë diskutimet për ngritjen e komisioneve bazuar në ligjin 139/2015 Për vetëqeverisjen vendore dhe rregulloren e këshillit, duhet të ngrihen komisionet të cilat në bazë të rregullore janë 14 kjo është në varësi të bashkive.Drejtuesit e grupeve të këshillit duhet të koordinohen me njëri-tjetrin që në një mbledhje të radhës të sjellin përfaqësuesit për çdo komision.Më lejoni tju përcjell komisionet të përcaktuara në rregulloren e këshillit.

1. Komisioni i Mandateve, Rregulloreve, Çështjeve Juridike, Qeverisjes së Mirë, Administratës, Zgjedhjeve, Strukturave Komunitare.
2. Komisioni i Etikës, Standarteve dhe Apelimeve.
3. Komisioni i Financave, Buxhetit, Pasurive Bashkiake, dhe Planifikimit të Zhvillimit Strategjiktë Bashkisë, Mbikqyrjes Financiare.
4. Komisioni i Shërbimeve Publike, Transportit, Lëvizshmërisë Mjedisore, Parqeve dhe Rekreacionit, Parkingjeve.
5. Komisioni i Ekonomisë Vendore, Turizimit dhe Zhvillimit Rural.
6. Komisioni i Zhvillimit Hapësinor, Infrastrukturës dhe Strehimit.
7. Komisioni i Sigurisë Publike, Emergjencave Civile dhe Rehabilitimit.



REPUBLIKA E SHQIPËRISË



8. Komisioni i Mirëqënies Sociale, Rinisë, Barazisë Gjimore, Mosdiskriminimit, Drejtave të Njeriut.
9. Komisioni i Shëndetësisë, Veterinarisë, Mjedisit dhe Mbrojtjes së Konsumatorit.
10. Komisioni i Bujqësisë, Pyjeve, Menaxhimit të ujrave, Mbrojtjes së Mjedisit dhe Biodiversitetit.
11. Komisioni i Arsimit, Sporteve dhe Çlodhjes.
12. Komisioni i Kulturës, Trashëgimisë Kulturore, Dhënies së Titujve, Emërtimeve.
13. Komisioni i Qeverisë Elektronike dhe Teknologjisë së Informacionit.
14. Komisioni për Marrëdhënjet me jashtë dhe Integrimin Europian.

Kryetari i Bashkisë: z.Gëzim Topçiu:Unë mendoj që Sekretari i Këshillit duhet të bëjë një projekt e ka listën e Këshilltarve sipas arsimit dhe profesionit dhe pastaj vetë grupet lëvizin sipas nevojave.Ajo çfarë unë mendoj është që këshilli duhet të përcaktojë numrin e anëtarëve të komisioneve, këshilltarë të jenë sa më shumë efektivë atje ku janë.

Yllson Ibrahimllari:Mendoj se ne duhet të shtojmë disa komisione të tjera, jo ti zvogëlojmë ata.Sekretarit ti jepe lista me komisionet nga grupet dhe me propozimet përkatëse.Për sa përket rregullores të cilën ju keni mirautar në datë 12.03.2020, neni 11 ka 5 këshilltarë komisioni i mandateve duhet të bëjmë një ndryshim se ne kemi me 3 aktualisht ose ti shtojmë anëtarët.

Ornildi Demollari:Dakord në mbledhjen e radhës kryetarët e grupeve të vijnë me propozime konkrete.

Kryetari i Bashkisë: z.Gëzim Topçiu:Kam një propozim, që Sekretari i Këshillit të bëjë një mokat të komisioneve, duke bërë një shpërndarje sipas shkollës profesionit për të gjithë komisionet.Interesi është i përbashkët të jenë sa më funksionalë komisionet.

Ornildi Demollari:Jemi dakord parimisht kështu, se kjo nuk ka nevojë për miratim.

Aleksandra Spaho:Kush e zgjedh kryetari ne Komisionit?

Sekretari i Këshillit: Gertjan Gjiriti:Kryetari ne Komisionit e zgjedh vetë komisioni.

Faslli Zholi:Për sa i përket komisioneve do dalim me një qëndrim të përbashkët sipas grupeve që jemi, mendoj se ne përfundim të mbledhjes të bëjmë një konsultë që herën tjetër ti kemi të plotësaura komisionet sipas rregullores.Kam dhe diçka tjetër, çfarë është bërë me fatkeqësitë natyrore? Zëmlak dhe a ka familje të rrezikuara po kështu dhe grurin se jemi në prag dhe të korrjes, është bërë evidendimi? Kam edhe diçka tjetër lidhur me urën e Dusharit?Dua të di sa drejtori ka bashkia?Të shohim mundësinë si këshill ose si bashki për çmimin e grurit se është shumë i ulët.Faleminderit!

Ornildi Demollari:Këshill nuk mund të diktojë në rritjen e çmimit.



REPUBLIKA E SHQIPËRISË



Kryetari i Bashkisë: z.Gëzim Topçiu:Ke të drejtë, mbase duhet tju kisha dhënë një informacion unë për situatën në fshatin Zëmbllak, ishte një situatë shumë e vështirë edhe sipas viteve më parë, por ne duhet të bëjmë punën tonë, nuk patur dëmtime të mëdha në njerës, prona private, por ka patur dëmtime të mëdha me infrastrukturën e fshatit argjinaturat, pritrat, kanlet, rrugë të cilat ishin në gjendje shumë vështirë.Kemi stabilizuar deri diku situatën, kemi dy javë që po punojmë me mjete tona, forca njerzore por dhe me mjete private.Situata për momentin është e stabilizuar, por jo si ishte më parë, jemi duke hartaur një projekt-preventiv me të gjitha dëmet e shkatuara, ditën e djeshme kemi patur dhe një grup nga Agjencia Kombëtare e Mbrojtjes Civile e vila do të ketë një financim për stabilizimin e situatës në Zëmbllak dhe Plasë.Do ju sjellim shumë shpejt në Këshilli për të miratuar atë çka do i kërkojmë Ministrisë përkatëse dhe Agjencisë Kombëtare të Mbrojtjes Civile, mbështetje financiare për ta stabilizuar situatën me investime kapitale dhe shpresojmë do realizojmë shumë shpejt.Në lidhje me urën e Dusharit, vërtet është një situatë e vështirë atje, ju e dini më mirë se unë, është një zonë gjeologjike jo e qëndrueshme, po ecim në dy linja sot që flasim atje kanë shkuar mjetet e Devolli Hydropower, të cilat janë në ndihmën tonë për të stabilizuar situatën dhe për ta bërë të kalueshme.Nga ana tjetër kemi kërkuar ndihmë për një studim gjologjik të të gjithë zonës dhe shpresojmë që do kemi një ndërhyrje të shpejtë me mjetet e Minsitrisë së Mbrojtjes për të bërë lidhjen me zonë e Skraparit, do i shërbejë komuniteti por do lidhë dhe dy rajone shumë të rëndësishëm në zonën tonë.Në lidhje me dëmet e tjera kemi patur dëme në disa kultura si grurë, vreshta, mollë, por kët ishin më sporadike në Kreshpan, Vreshtas, nuk kanë dëme të mëdha, në lidhje me grurin, lufta e vitit të kaluar rritit çmin dhe subvencioni nga qeveria ka bërë që gruri të mbillet me shumicë në fushën e Maliqit.Ajo çfarë unë mendoj është fermerët duhet të jenë vetë ekonomistë për çmimin, nuk duhet të synojnë gjithmonë çmimin e një viti më parë, kjo është ekonomi e hapur, tregu përcakton çminin, ne do jemi në mbështetje të tyre për kontrollin e mjeteve korse, urave, kanaleve etj.Të falenderoj për pyetjet.Do keni një informacion shumë të shpejtë për situatën në Plasë dhe Zëmbllak.

Ornildi Demollari:Faleminderit!Po.

Aleksandra Spaho:Kisha dhe një pyetje në lidhje me dëmtimet, shumë fermërë ankohen që kompanitë e sigurimeve nuk na sigurojnë të mbjellat.Si mund të ndërhyjmë?

Lulëzim Hoxhaj:Po e jap unë përgjigjen për shqetësimin, nuk është e vërtetë, kompanitë e siugrimeve ju luten fermeve, riskut i shmangen, por duhet të kesh dhe asete në pronësi.

Petrit Kupe:Doja të ndalesha pak te gruri, se në mbledhje ne radhë gruri është korur, çmimi këtë vit është sa gjysma e vitit të kaluar, çmimi i vitit të kaluar nuk mund të jetë më, për shkak të luftës në Ukrainë, por 27 lekë është shumë i ulët, është nën koston e prodhimit, duhet ta ngrejmë këtë problem dhe në qeveri ka mekanizma eknomike qeveria, nëpërmjet tvsh-së dhe taksve doganore, një frenim i përkohëshëm i prodhimit që vjen nga jashtë i cili do ndikojë që prodhuesit e miellit të drejtohen drejt proshimit vendas.



REPUBLIKA E SHQIPËRISË

Ornildi Demollari: Dakord! Kryetar kishe diçka?

Kryetari i Bashkisë: z.Gëzim Topçiu: Atë çka dua të them, çmimin e vendos tregu, patjetër që levat ndihmojnë dhe politika e qeverisë po ashtu, por duhet të dimë që dhe qeveria ka disa detyrime ndërkombëtare. Duhet parë nëse ka klauzola. Ne po mendojmë për ngritjen e pikave të grumbullimit, ajo çka ne po mendojmë dhe jemi gati ta bashkëfinancojmë për fermerët, është ngritja e silloseve të grurit në fushën e Maliqit dhe qeveria është dakord për të na mbështetur, kjo po zbatohet në zonën e Lushnjës, le të jetë ky një apel për të gjithë.

Ornildi Demollari: Besoj se jemi të gjithë bashkë në mbështetje të fermerit, le të përpiqemi me ato hapësira ligjore që kemi të jemi dakord të gjithë bashkë. Kemi diçka tjetër? Kjo ishte mbledhja për sot, ju uroj ditë të mbarë.

Mbledhja mbyllet!

KRYETARI I KËSHILLIT

Ornildi DEMOLLARI

